




. 17 26

.

Cill Co

•

•





HISTORICA NOTITIA

RERUM BOICARUM

SYMBOLIS AC FIGURIS ÆNEIS ILLUSTRATA,
SUPERSTITI PRÆSERTIM

IN FUNERE

CAROLI VII.

ROMANORUM IMPERATORIS
SEMP. AUG.

VIRTUTUM TRIUMPHO,

SOLEMNIUM QUONDAM OCCASIONE

EXEQUIARUM, ACCOMMODATA,

CUI ACCEDIT IN FINE ORATIO FUNEBRIS IN LAUDEM OPTIMI

EJUSDEM CÆSARIS

ANNO 1745. Habita

A

P.D. JOANNE EDLWECKH Clerico Regulari, p. t.

Concionatore Actuali ad SS. Adelaidem & Cajetanum Monachii.

Impensis JOANNIS GASTL, Bibliopolæ Pedepontani prope

700 N. Carlot A. 45.65 # 24 #1 198 - 198 100 THEFT 28 45

Eines höchst preißlichen Wheinischen Weichs Vicariats Enabigstes Privilegium.

Von SAttes Gnaden

Maximilian Toseph

In Sber : und Kieder : Bapern, auch der Ibern : Pfalt Berzog/Pfalt : Grafben Khein/des Seil. Köm. Keichs Ert. Truchsest und Chur : Gürst / dann in denen Canden des Kheins / Ichwaben und Fränckischen Kechtens dermahliger Gürseher und Vicarius, Cand : Grafzu Ceuchtenberg 2c. 2c.

Sefennen offentlich mit diesem Brief, und thun kund allermanniglich, daß uns unser lieber andächtiger D. Johann Sdiwed Clericus Regularis demuthigst an vernehmen gegeben, wasmassen unsere liebe andächtige regulirte Priester Theatiner » Ordens allbier in unserer Residens Stadt Munchen das präcktige Trauer » Werch, welches im neutlich versossenen Warters Kapserl. Wazies den sowie des präcktige Trauer versche in gedachten Worden der versches den gerückte und gehalten worden, nunmehro würclich unter dem Litul: Triumphus Virturum in sunere CAROLI VII. Rom. Imperatoris Semp. Aug. Superses: nebst vielen Kupseren, und einer bengesügten Leich Predigin einen offenen Druck bringen und verlegen lassen, daber aber nicht unzeitig besorgen müssen, das soswoss in einem Vinnen Volumine in Folio bestehendes, dannoch aber wegen der vielen darinn enthaltenen fünstlichen Kupserschich und sonstigen Einrichtung halber so mühsam als kostbar fallendes Werd, don anderen Gewinnesschiegen Leithen nachgebruckt oder nachgesvochen, auch dadunch diesem Werd guten Peils sein Schein/ Zierde, und Ansehen benommen werden dafste, und Und daßer demuttigist gebetten, Wir ihnen über sothanes ihr allbereits in Oruck gegebenes Trauer-Werd von bichsten Reichse Vicariaes wegen ein Privilezium Impressorium zu ertheilen gnädigt geruben wollten. Wann wie han Aleis benehmt den keiner und gegebenes Trauer-Werd von bichsten Reichse Vicariaes wegen ein Privilezium Impressorium zu ertheilen gnädigt geruben wollten. Wann wie und Fleiß benehmt den ein bied und derheiten grauer wie und Kleiß benehmt den ein bied und gegebenes Trauer-Werd und die besondere Reich Predig nicht nur offenestig auch Krassen wie und Fleißen Benehm den geschen zu den gebenes Prodig nicht nur offentlich ausgeben, sondern auch kleiß benehmt den und geschen des Scheins, Schwasden und Billen in dem Beil. Köm. Reich, sonderen des Andern des Reichs Verdig nicht nur offentlich ausgeben, sondern auch ihren solches die ein deter, nachbrunken vohr ein den klusser sond den kein der gebene, von der ei

senu solle, hiermit ernftlich, und wollen, daß ihr, oder einiger aus euch, oder jemand von euertwegen, offtgedachtes Werck innerhalb der bestimmten Zeit, obermeldter massen, nicht nachdrucket, nachstechet, nachmachet, seil habet, umtraget, oder verkausset, noch auch solzches anderen zu thun verstattet, in keine Weiß oder Wege, alles ben Vermeidung Unserer Ungnad und obbestimmter Straf des fünst Marck-löthigen Golds, auch Verliehrung desselben eueres Drucks, den Sie regulirte Priester, oder deren Besehlshaber mit Hulff und Zuthuung eines jeden Orths Obrigseit, wo sie dergleichen ben euch oder einem jeden sinden würden, alsogleich aus eigenem Gewalt ohne Verhinderung manniglichs zu sich nehmen, und damit nach ihrem Gefallen, handlen und thun mögen. Geben in unserer Chursürstlichen Residens Stadt München, unter Unsermhervorgedruckten Reichs Vicariars-Secret Insigel den vierzehenden Tag Monats Junii, im Jahr Em tausend sieben hundert fünst und vierzig.

Maximilian Voseph mppria.

Vt. Frank Andrá Frenherz v. Praidlohn.

Ad Mandatum Serenissimi Domini Electoris & Vicarij proprium.

Johann Georg v. Dechsel.

SERENISSIMO ET POTENTISSIMO PRINCIPI MAXIMILIANO JOSEPHO

Utriusque Bavariæ, nec non Superioris Palatinatûs Duci, ac Electori &c. &c.

PRINCIPI AC DOMINO SUO CLEMENTISSIMO

D. JOANNES EDLWECKH Clericus Regularis

FELICITATEM.

Uemadmodum funus Caroli VII. Augustissimi quondam Imperatoris ac Genitoris tui Pompa Lugubri, qua nulla magnificentior esse potest, plangere voluisti, Elector Serenissime, & Tempa A 2 plum

plum meæ Congregationis Clericorum Regularium à Clarissimis Progenitoribus tuis munificentissimè erectum ad id muneris clementissimè elegisti: ita piissimus animus tuus mihi præbet ansam in unum fasciculum colligendi encomia, quibus nuper apparatu Litterario religiosissimis Votis tuis satisfacere justus eram; quin & tibi demississimie nuncupandi, quod aliunde ex omni parte est tuum.

Ea ergo qua par est reverentia & obsequio ad Serenissimum Thronum tuum accedo, tibique venerabundè offero in se quidem exigua, Augusta tamen Laude prægrandia hæc Folia. De schemate, sub quo Carolum post funera mœrenti Orbi exhiberem, diu deliberandum mihi non fuit: perspexeram enim in eo excelsas illas Virtutes, queis undequaque claret Bavarorum Principum Nomen: perspexeram tot Heroicas, quas sive de prospera, sive de adversa Fortuna sine numero retulerat Victo-Nihil inde magis proprium fore duxeram, quàm si ad Lugentium solamen Virtutum Iriumphum adornarem; quo fieret, ut Cæsari Triumphanti Posthuma staret Gloria: Mundo verò admiranti vivida ante oculos Virtutis Idea obverfaretur.

Neque hîc more eorum, qui hoc Litterarum genus scribunt, præclara cæterorum Majorum tuo-rum

rum facinora commemorabo, cum talis tu ipse sis, qui aliena Virtutum decora propriis non mo? dò æquas, sed & Longè ac multis parasangis superas, eúmque te in viridi jam ætate probasti, quem & temporum præsentium calamitates summæ, & rerum componendarum molimina quammaxime ardua ad commune Reipublicæ bonum sibi postulare videbantur. Vix nuper, DEO auspice, Regiminis clavum arripueras; Pietas statim, Religio, Clementia, æquitas, reliquáque magni animi ornamenta in tam apertam prodière Lucem, ut Parentem Maximum in te redivivum sibi boni omnes jure merito gratularentur. In eo quoque omnium deinceps Sæculorum memoria dignum te effecisti, quòd extinctis bellorum quadrimorum dissidiis, optatam Tuis Pacem ac Tranquillitatem ictu oculi, ut ita dicam, gloriosissimè restitueris, Pater Patriæ mox salutandus, quando vix ex Patris jure te exivisse Lætabundi conspexeramus.


Deus igitur ter Opt. Max. te diutissimè sospitem servet, ut jactata Patria nostra erigi, & Triumphum Virtutum, quem in extincto CAROLO amarè deslet, in te incolumi per plurima Lustra agere sestivè valeat, ac celebrare. Ita vovent, ita precantur Tui omnes, nemo tamen enixiùs, quàm B mini-


张短 (o) 张短

minimus Clericorum Regularium Ordo, qui tibi ac Serenissimo Nomini tuo in Sæcula & devotus, & devinctus humillimè manet ob innumera propemodum, quibus in Bavaria nullo non tempore cumulabatur, beneficia. Vale.



1711





POMPA FUNERRIS USTIS MANIB IMP. CÆS.

SOLEMNISSIME

INSTRUCTA ATOUE DICATA

JUSSU ET PIETATE

SERENISSIMI PRINCIPIS, AC DOMINI,

ELECTORIS ET

Uamquam ampla suppeteret materiarum seges, unde Præludium sieret Augustæ Cæsaris Laudi: nihilo tamen secius temporum verten-tium ordo calamum, desiderio dicendi Licet git abstinere, eóque duntaxat intendere, ut præter ea, quæ

quæ ad funebris Apparatûs notitiam capiendam summè necessaria sunt, adjungatur nihil, ne sestinans prælum diutiùs retardetur, & tunc, inverso cursu, in Lucem prodire contingat tristia, quando sidera, quæ in proximo sunt, Bavariæ nostræ jamjam illuxerint jucundiora.

Missis itaque iis omnibus, quæ sive de gloriosisima æquè ac generosisima morte piissimè desuncti Imperatoris, sive de Luctuosa totius Civitatis facie, sive etiam de Augustis in deducendo sunere Ritibus dicenda forent, id præ cæteris animadvertere operæ pretium erit, quòd corpus exanime, postquam balsamo suisset delibutum, in Ecclesia Clericorum Regularium sub Altari Majori reliquis Bavariæ Principibus suerit consepultum: Corde in una, Visceribus in alia reconditis Urna, quoad persolutis dein Exequiis, illud Oettingæ Virgini Thaumaturgæ demissisimè offerretur; ista inclytæ hîc Monachii ad Divam item Virginem Collegiatæ, ubi Cineres Ludovici IV. Strenussimi quondam ex Boico Sanguine Imperatoris quiescunt, in perpetuum traderentur custodienda.

Nulli inde aut Sumptui, aut Labori parcebatur, ut & Ornatus, & Moles assurgeret, qualis jacenti par esset Maximi Principis Majestati. Mausoleum assabrè constructum altitudine 120. Latitudine 45. pedes comprehendebat. Duodecim Columnæ suæ basi seu plano insistentes quadrilateram Sustentabant Pyramidem, in cujus Cuspide Corona Imperialis spectabatur. Magnisicæ hujus Machinæ descriptionem Longiorem texere, supervacaneum putamus, quandoquidem eam graphicè excudi, hicque inseri pro Legentium commodo curavimus.

Porrò Ornatui Litterario aliam non selegimus Ideam, quam quæ in fronte hujus Operis Legitur: Triumphus videlicet Virtutum, & quidem earum præcipue, quæ in Carolo erant summæ. Huc conspirabant omnia sive Symbola, sive Elogia, sive alia quæcunque ingenii monumenta hinc inde tum Doloris Castrum, tum Ecclesiæ ambitum illustrantia. Elogiis pro Corpore Symbolico ubique aptavimus Aquilam, non novis aut peregrinis, sed consuetis, communibus & obviis attributis signatam, prout virtutis cujusque, quam exhibebamus, ratio postulabat. Reliqua Emblemata vel ex ssoribus, vel ex sideribus, vel ex aliis quibusdam vulgaribus Instrumentis, aut Insignibus deprompsimus, ut primo statim aspectu nostra intuentibus paterent animi sensa, nec ignota essent, per quæ Laudem Cæsaris singulis notam sieri oporteret.


Ad imum basis per totam Ecclesiam in Imaginibus 32. eleganti penicillo adumbratis distribuimus Genealogiam Augustæ Domûs Boicæ juxta Seriem, quam eruditus Vir Christophorus Gevvoldus à Carolo Magno auspicatur, & meus P.D. Josephus Maria Maraviglia (*) Bavaro nomini apprimè addictus, jam ab anno 1663. doctis instruxit notis. Exinde noverit Orbis, Augustum Carolum nostrum(**) Magnorum Progenitorum suorum suisse non tam imitatorem, quam hæredem Seminum illorum, ex quibus tot præclari postea erupère Virtutum fructus. Sub hiatibus arcuum, quorum sex erant relatè ad sex Sacella minora Ecclesiæ, sex Facta illustria demortui Cæsaris pendebant, quatenùs historicè quoque repræsentaretur, quod de eodem aliæ picturæ eloquebantur Symbolicè.

Libentissimè profectò Emblemata & Corpora Reliqua figuris æneis incisa dare optassemus, si per tempus Licuis

^(*) In Geneal, Seren. Bojar. Princip. (**) Vaticin. Glor. Bav.

Licuisset. At, ne omnino Lector sua voluptate destituatur, essigies saltem eorum, que principaliora sunt, hic exhibebimus, cetera brevi duntaxat dictione indicaturi. Pro Coronide tandem existimabamus, non abs re fore, si ea, que in Laudem Caroli VII. Optimi quondam Imperatoris pro Concione diximus, huic funesto Operi adjungeremus.


Tu interim, benigne Lector, dum Virtutes desuncti Cæsaris admiraris, teipsum Virtutibus ornare stude, ut devictis Mundi illecebris, Triumphum olim in Cælis canere merearis. Nobis verò, si quid tanto Principe minus dignum dixerimus, indulge, & memento, quam difficile sit, oculos in Solem sigere, quin eorum acies perstringatur. Vale.



ORDO INSCRIPTIONUM

Juxta distributionem, quam facere ubertas materiæ nos compulit.





SECUNDA INSCRIPTIO

Significabat, à quo & cui dedicaretur præsens Pompafunebris. Et, quia congruum videbatur habere locum ad Chori Coronidem, inter grandia quatuor defuncti Cæsaris Insignia affixa fuit Velo nigro cruce alba transversim intersecto, quo cooperiebatur Ara major.

IMP. CÆS. CAROLO VII. SEMP. AUG.

Armatis pacatisque Virtutibus Conspicuo Heroi,

Fidem Constantia, populorum Salutem UNIONE & OBSERVANTIA LEGUM,

Jura avita calamo & ferro Strenuè defendit: Pace infelicitèr exulante

Via Mortali,

-5:

 C_2

Anno

Anno Ætatis XLVIII. Regiminis III. XIII. Kal. Februarii primis sub noctis vigilijs ad Cœlum piè abijt, Pacem nacturus feliciorem

Termino Immortali.

MAXIMILIANUS JOSEPHUS

Filius, S. R. I. Elector & Vicarius,

Irreparabili ingemiscens jacturæ, Solemni hoc doloris Triumpho,

Parenti Opt. Max.

Supremos consecrat honores,

& Inter sVos

perpetVæ qVIetIs LoCVM

en IXè Do Lens

eXhIbet.

TER-

TERTIA INSCRIPTIO

Bavariam monebat maximi beneficii, quod olim per intercessionem S. Cajetani de Thiene Clericorum Regularium
Fundatoris obtinuit, desperata jam suorum Principum
Successione. Æquum inde erat, ut Aræ Laterali eidem Thavmaturgo Sacræ applicaretur, Cæsareis item
marginata Insignibus.

CAJETANO THIENÆO

Ævi nostri Thaumaturgo, Bavariæ Patrono

nunquam interitura

debentur Laudum præconia, publica quòd olim exaudiêrit Vota,

FERDINANDO

M. & H. M. ADELAIDI

pientissimis Principibus

In

MAXIMILIAN O EMMANUELE

diudesideratum dando Hæredem.

T)

Prodi-

Prodigio opus erat, ut nasceretur Heros, quem Deus, non Natura donare potest.

Prodigium, quod cœpit in Patre, ne desineret in Filio,

CAROLUS

ad ardua nonnisi natus, prodigium fecit seipsum non Naturæ, sed Virtutis. Tuum modò est, renovare Vota, Prodigiorum memor Bavaria, Prodigioso ut Avo& Patri

In

MAXIMILIANO JOSEPHO

Superstitem Nepotem & Filium inter Miracula Mundi statuat diuturnior ætas.

QUAR-

and granization of

QUARTA INSCRIPTIO

Alludebat ad Devotionem, quam CAROLUS erga Superos omnes profitebatur. Conspiciebatur autem è regione antecedentis Inscriptionis ante Aram Sacræ Familiæ pendula: suis etiam hæc redimita Insignibus, ut nullum ex Altaribus principalioribus proprio ornamento careret.

DEO, VIRGINI, CÆLITIBUS,

immortale ad præmium se sistit

CAROLUS,

Qui inter Mortales sibi omnium novit optime Deum, Virginem, Cælites immortali devincire merito.

dominari hominibus consueverat, ut nunquam oblivisceretur Superis samulari, Peregrinationibus, Donariis, Precibus suam testatus Pietatem.

D 2

Anima pretiosius cum haberet nihil, solvi Vinculis non Pietatis, sed Carnis voluit, gratum ut se Coelo munus redderet,

SUPERUM

sicut cultûs, ita gloriæ avidus.

Ne moreris ergo, quisquis CAROLUM quæris, Pietate sequere,

& super Astra reperies

DEO, VIRGINI, CÆLITIBUS conjunctum.

Inscriptiones,

Quæ sequuntur, quaquaversùs in Castro Doloris legebantur, partim Numismati seu effigiei Imperatoris, partim Urnæ Sepulchrali, & partim Simulachris Virtutum, aut Symbolis quibusdam appositæ. Ad quatuor angulos Urnæ quatuor stabant Præsicæ non tam verbis, quàm dejectis, aut inversis Signis lugentes.

da incellos estados estados estados entre

alle ien in de la mission de la light de

QUIN-

, , 1. 11 . If U

QUINTA INSCRIPTIO

Eadem erat, quam super Castro immediatè sub Numismate Cæsaris Caroli VII ipsa Pyramis tam versùs Portam Principem Ecclesiæ, quàm versùs Altare Majus conspicuam habebat. Phrasi quidem constabat brevî, sed Virtutum Triumpho, cui præludebat, peraccommodà.

CAROLO VII.

Romanorum Imperatori

Virtutum Gloria

post mortem

ad immortalitatem Redivivo

non Ferale Mausoleum,

sed Triumphale

CAPITOLIUM.

SEXTA INSCRIPTIO

On una extitit, sed multiplex; per modum tamen unius hoc in loco indicanda, quia nulla earum seorsim integram & complexam præseferebat. Enim verò Mausoleum, uti supra monuimus, in quadrilateram desinebat Pyramidem. De facie ejusdem Pyramidis tam anteriori quam posteriori dictum jam est, quidnam ornamenti habuerit: utrobique nempe quidnam ornamenti naduerit: utrodique nempe laureata Cæsaris essigies in Numismate depicta prominebat cum Inscriptione paulò antè sub numero quinto recensita, & tamanteriùs quàm posteriùs replicata. Lateri Pyramidis dextero inhærebat paritèr Numisma, at continens partem priorem Symboli à Cæsare in Imperialium Fascium suorum auspicium quondam assumpti, videlicet UNIONE: Lateri sinistro aliud Numisma ejusmet Symboli partem alteram exprimens, id est, OBSERVANTIA LEGUM.

Quadrangula basis, quæ Pyramidi substrata erat, innitebatur Capitellis, seu Capitulis duodecim Columnarum, & in quolibet latere inserendæ Picturæ locum dabat. Quocirca, ex parte anteriori versus Portam Ecclesiæ, HISTORIAM actu in libro scribentem, adjecta voce: POSTERITATI. Ex parte posteriori versus Altare majus GEOGRAPHIAM Globo terrestri circinum insigentem, cum dicto: PLUS ULTRA. A latere dextro VIRTUTEM MILITAREM generosos spiritus depromentem & MILITAREM generosos spiritus depromentem, & inscriptam: BELLO. A latere sinistro VIRTU-TEM CIVILEM Leges statuentem, inserta voce: PACE, pingi fecimus. Hæc profectò explicatione

nonindigent; quoniam, si unà ritè conferantur, digito quasimonstrant, in quo situm sit Fundamentum Gloriæ, qua Augustissimus Cæsar CAROLUS VII. inPosterorum memoria perenniter triumphet.

Supernè Basis Pyramidis circumdabatur sculptis o-Eto simulachris Virtutum, & quidem earum, quæpræcipuæ in CAROLO erant. Infernè inter quatuor angulos, quos efficiebant duodenæ Mausolei Columnæ, quatuor Virtutum Cardinalium figuræitem sculptævisebantur. Ut brevitati consulamus, Virtutum duntaxat nuda nomina hic innuemus, & Inscriptionem cujusque Basi insitam.

VERSUS PORTAM ECCLESIÆ

VIRTUTES.

Clementia. Taciturnitas.

LEMMATA

Ut salvet, non ut Arcanum ut

perdat.

fervet.

VIRTUTES.

Unio.

Constantia.

LEMMATA.

in un um colligit. non cedit un quam.

VERSUS ARAM MAJOREM.

VIRTUTES.

Religio.

Devotio.

Superne.

LEMMATA.

extorqueri vetat

ad altum nititur.

E 2

VIRTU-

VIRTUTES.

Sapientia. Magnanimitas.

Superne.

LEMMATA.

ad rectum ducit.

Pusilla negligit.

VERSUS PORTAM ECCLESIÆ.

VIRTUTES.

Justitia.

Prudentia.

Infernè.

LEMMATA

æquo pondere. maturo confilio.

VERSUS ARAM MAJOREM.

VIRTUTES.

Temperantia.

Fortitudo.

Inferne.

LEMMATA.

retento medio.

imoto pectore.

Sub Basi Pyramidis expansæ quatuor Aquilæ grandiores, innexis Bohemiæ, Bavariæ, nec non Austriæ Insignibus, condecorabant quatuor epistylia, seu Architrabium, ût ex vulgari Architectonicorum stylo meus P, D, Hieronymus Vitalis (*) vocat, facies extimas.


Demum Columnæ ipfæTrophæis tum militaribus, tum civilibus inter frequentes fulgurantium luminarium ordines mirifice resplendebant: nec erat, qui non eximiam artem & Architecti Jos. Effner V. C. paulò post apoplexià è vivis erepti, & peregregii Pictoris Nicol Stuber; illius in condenda, istius in perficienda funebri Machina, attonitis oculis suspiceret, ac contemplaretur.

SEPTI-




Aj d


























ORDO ELOGIORUM

SYMBOLORUM.

Lterum modò suppeditamus Inscriptionum ordinem, estque ille idem, qui ornandis Lateribus Ecclesiæ tervire debuit. Panni nigriambitum omnem à vertice usque ad imam basim vesti-

entes horridam quamdam Luctus speciem intuentium oculis injiciebant: eam ergo oportuit picturis, lemniscis, aureis argentessque Velleribus, Statuis, Funalibus sparsim interpositis triumphali modo variegatam reddere, ut exterior apparatus suo Lepore Lenimentum dolori afferret.

A Presbyterio usque ad Portam Majorem ex parte tum dextra, tum sinistra, ubi latiora patebant Columnarum spatia, Virtutes primum in Aquilis adumbratæ, dein Elogiis commendatæ, Facultatis lapidariæ ope laconicè explicabantur, nec Augustior CAROLO esse poterat Triumphi gloria, quam quæ ex Imperio summa cum nominis celebritate administrato & grandium Factorum recensione proficiscebatur. Brevitas temporis nos stylum invertere compulit, & interrupta figurarum ænearum serie, nudis duntaxat ac paucis verbis Emblematum seu Symbolorum, quæ subnectuntur, Corpora exprimere.

F

ELOGIUM I.

UNIO FIRMANDÆ REIPUBLICÆ APPRIME UTILIS,

CAROLO

quammaxime cordi.

SYMBOLUM

Aquila Romanos Fasces unà colligatos unguibus tenens, & in altum volans.

LEMMA.

Visunita fortior.

Omanos Fasces exhibens R. I. Aquila
Symbolum proponit ab electo Imperatore
in sui præsagium Regiminis electum.
Vis unita fortior, non unita debilior:
illa ad consolandum, hæc ad desolandum
nata, cum Regnum
divisum in se desoletur, consoletur indivisum.
De utriusque veritate ut erudiret Mundum

CAROLUS,

fœdus condidit, quo fortitudinem docuit argumento UNIONIS.

Strin-

Strinxisse fors non putes, adversa quòd sors submiserit partem pro toto, detraxerit aliquos, quò debilitaret omnes?

Falleris:

si non feliciùs, strinxit gloriosiùs, qui in sœdere discordes dum reperit aliquos, virtute effecit,

in sui ut æstimatione concordes haberet omnes, comitate non semel hostium victor.

Utilitatis publicæ studiosior quam suæ. bonum privatum postposuit communi, unitus esse mallens quam unus, consilio nonnisi bono ad bonorum utpote omnium redundantiam ordinato.

Verbo:

Prisca & aurea Sæcula, ubi credentium cor unum & anima una, reducere dum voluit, non valuit

CAROLUS;

illuc unicè contendit ubi unus Pastor & unum Ovile, ut in jucunda unitate unitus DEO requiesceret in æternum.

ELOGIUM II. OBSERVANTIA LEGUM

CAROLO

Inter primas Regiminis Sui curas constituta.

SYMBOLUM.

Aquila, quæ in fastigio eminentioris cujusdam Rupis Nidum construit.

LEMMA.

In arduis folidè.

Nstruit, dum solidè in arduis nidum construit ædificandi in arte magistra Aquila.

Artis hujus CAROLUS non ignarus, solidam constructurus fabricam celsitudinis, primis in curis habuit de fundamento cogitare solidæ fortitudinis: nec aliud reperit, quam quod observantia Legum peperit.

Obser-

Observantia legum ea semper basis erat, cui innixa Regnorum prosperitas inconcussa persisteret, benè fundata maneret, Hanc inde sibi adscivit in Symbolum, solidæ ut proluderet populorum selicitati. Aurea profectò cogitatio, truculentus nisi Mavors sæculum fecisset serreum, ubi una lex, legem servare nullam. Vah triste silentium, quo armorum inter strepitus Leges tacent, fas obmutescit, nefas invalescit: sola scelera altum clamant, provocato ad vindictam Cælo! Quoniam igitur malè audiens Mundus inter arma renuit audire vocem Cæsaris, ad juris ac æqui observantiam provocantis: Ne tot mala terram inundantia audiret aut videret, mox oculos clausit & aures,

mox oculos clausit & aures,
egressus Mundum,
ingressus est Domum æternitatis
in solida fundatam Pace

ELO-

ELOGIUM III. CULTUS VIRGINIS IMMACULATE

Aura of the color of the same of the same

præclaris pietatis monumentis illu-

SYMBOLUM.

Aquila ad Auroram conversa excitatur ad volandum amo-

LEMMA.

Trahit prænuncia lucis.

Olis visendi ardor,
quo
pennatæ gentis Imperator Ales
exæstuat,
nec moram indulget,
nec requiem,
quò minùs, simul atque illuxerit
Aurora
venturæ prænuncia lucis,

alas cum corde erigat,

ac illuc volatum dirigat, aureum ubi Solem delitescere adnimadvertit.

Per Auroram

(auream verè pro Salute humani generis horam) Deiparentem, Divini Solis Genitricem

designari quis ignoret! In hanc oculos fixit, quamdiu inter Mortales vixit

in motu semper, ut quiesceret nonnisi, ubi clariores Virgineæ Lucis scintillare cernebat radios.

Oettinga in Bavaria, in Italia Lauretum Pietatem Bavarorum Principum antiquam stupuit novam, quando

ante Dominam, per quam stat Orbis, procumbere CAROLUM vidit mox Orbis Dominum.

Porrò de ardenti in Virginem affectu ne unquam dubitaret Mundus,

tot juratos produxit Testes, quot Equites creavit illibatum Virginis conceptum

defendere paratos.

Per te ergo, Virgo potentissima, ad Solis ortum perveniat occasûs nescium, qui per te nunquam non quæsivit Lumen indeficiens.

Lux æterna luceat ei, ad quam trahit prænuncia lucis.

Din Roll Strill the state of the continuous of the s

ELOGIUM IV. RELIGIONIS VIRTUS

Chara R. O. Tor O.

Majorum æmulatrix.

SYMBOLUM.

Junior quædam Aquila subsequitur alias grandiores ad Solem prævolantes.

LEMMA

Suorum ad Exemplum.

Uæ Solem inter & Aquilam Sympathia,
ea semper erat, est, & erit
Augustis BAVARIÆ Principibus

Orthodoxam erga Religionem Zeli prærogativa, fibi derogari visa,

tantum Leones in Terris imitari,

Nisi quoque Aquilas in Cælis æmularetur.

Sublimis hujus viæ Suorum ad Exemplum tenax

CAROLUS

Progenitores ita expressit Religione, acsi Virtutibus non expressisset reliquis.

Ecclesiæ inde causam comunem sibi fecit propria, æqua pietate

se gerens Filium, ac illa Matrem.
Plus solicitus

pro Domo Domini, quam Cicero pro sua, in eo suit totus,

ut Pacem, quam nequivit Regno, integram daret Sacerdotio,

paratus,

Vitæ & Fortunæ Bona Fidei lucro cedere.

Quo Zelo duce

in barbaros excurrit Thraces,

Suis non tam Dux, qu'am laboris Comes: nec sibi pepercit,

ne Ottomanica in Luna juratis Fidei hostibus parceret.

Usque adeo ardorem in iis, quæ ad veri Numinis Cultum pertinent, pertinere ad se credidit,

ut incertum sit, Magis efferbuerit

pro Aris vindex, an ad Aras supplex.

Ædepol!

Si in aliis ex ungue capis fortitudinis argumentum, in CAROLO terminos immuta,

& ex concordi cum Suis Religione infer, Concordi ad summam Dignitatem suffragio quàm suerit dignus.

ELO-

PRUDENTIA CAROLLI

In regendis ritè populis dilaudata.

SYMBOLUM

Aquila ex alto in vallem oculos conjiciens, & natantes in stagno pisces prospectans.

LEMMA.

Cernit acutè.

Quæcunque latent, patent ad oculum Aquilæ acutè cernentis perspicacissimum. Eundem

Omnia rimantis PRUDENTIÆ oculum,
Qui in oculatissimo Romani Imperii Capite
Luculenter non perspexerit, caruerit, oportet,
Oculis.

强怒 (o) 强凝

Æquo adeo librabat pondere & dicta & facta

CAROLUS,

Ut essent Regulæ instar Universo Orbi.

Quia nil magis cordi habuit,
Quàm Rempublicam regere juxta cor Dei,
Confilia repetiit à Confiliariis,
Quos verè noverat ambulare cum Deo,

At,

Nequid deesset Prudentiæ, Suis prospexit in sæcula,
Optimis consiliis perennando seipsum in silio,
Cui Deus annos addat Patri ademptos,
Ut amissum quod dolet

in

CAROLO,

Restitutum gratuletur cum sœnore

ın

MAXIMILIANO JOSEPHO

Lugens Germania.

H 2

ELO-

ELOGIUM VI. JUSTITIA CAROLI

nec probis, nec improbis debere, sed suum cuique tribuere solita.

SYMBOLUM.

Aquila binc coronam, illinc gladium gestans.

LEMMA.

Hinc probis, illine improbis.

Um virtus præmiis afficitur, vitium suppliciis; datur

hinc probis, illine improbis, quod cuique est suum.

Id

manutenendum docent ungues Aquilæ, quando iis, qui nec latum unguem à JUSTITIA deflectunt, coronam in præmium porrigunt, illis verò, qui unguibus malitiæ jura lacerant, gladium in vindictam intentant.

Cura, studium, & labor Justi & Augusti Cæsaris jugitèr fuit,

ut tollerentur improbi, probi extollerentur, utrisque

juxta mensuram meriti & demeriti aut impertiri favorem, aut emetiri rigorem, ut extirparet vitia, virtutes implantaret. Circulum illum vitiosum.

> quo impii in circuitu ambulant, gladio abbreviavit:

Augustam viam, quæ ducit ad Cælum, ut redderet augustiorem, revolvere nil impensiùs est visus, nisi illam Domini sententiam:

Reddite ergo, quæ sunt Cæsaris Cæsari, & quæ DEI DEO.

Ne implendam Justitiæ Legem doceret duntaxat verbo,

strenuè præivit exemplo, suum cuique tribuens:

Imperium Mundo, Corpus tumulo, Animam Calo.

.

ELOGIUM VII.

FORTITUDINIS ROBUR IN PECTORE

CAROLI

inconcussum.

SYMBOLUM

Aquila adversus fulgura & fulmina imperterritè volans.

LEMMA.

Contra audentior.

Ortis animi est, ad incussos à fulminante Jove terrores stare inconcussum.

Inter volantia fulminum agmina intrepida facie

volantem cernimus Jovis armigerum alitem:
haud aliter inter fragores castrorum
cordatissimus CAROLI animus,
quàm ille adversus minas astrorum,

Stetit

Stetit semper, concidit unquam, sed contrà audentior ivit.

Si Romanorum est, agere & pati fortia, multò magis suum esse duxit Imperator Romanorum.

Ut fortiter ageret, subegit seipsum, Victor sui: Ut pateretur fortiter, nihil non passus patienter, in hoc solo impatiens,

quòd nil superesset, quod pati posset nisi vitæ jacturam.

Suos ad bellum non tam misit, quàm ipse deduxit, ruens persæpè in pericula primus,

ubi privilegio honoris poterat esse postremus. Nec mori timuit,

crebros qui inter dolores

Meliùs quam artem moriendi didicerat nihil.

Tandem,

quò septimum ex CAROLIS ageret veriùs, Septimi numeri, qui quietis est index, omen implevit maturiùs.

Sabbatum quietis,

quod pretio laboris nequivit Imperio, pretiofa morte feliciùs sibi coemit imperanti, sustinere mox cessans nomine Septimo Orbem, quem DEUS cessavit die septima exstruere.

ELOGIUM VIII. TEMPERANTIÆ LEGES

CAROLO

strictissime custoditæ.

SYMBOLUM.

Aquila avidè Soli exorienti advolat.

LEMMA.

Visu, non esu.

Ccupari aliis potest, satiari non potest

Aquilæ sublime sapientis nobilior sitis & sames
folius nonnisi intuitu solis,
quamquam ad mensam adeò luminosam
quotidie epuletur splendidè non esu, sed visu.

CAROLO ad sobrietatem sapienti
ad mensam non sapuit, nisi sobrietas.

Hujus legibus ut obtemperaret,

ab eduliis, quæ mundus condit suis fallaciis, sibi nunquam non temperavit,

Osor eorum, qui intemperantiam amant, & amator eorum, qui sobrietatem non odirent.

Quam temperandi Legem-Augustæ Domui Bavaricæ nullo non tempore sacrosanctam

CAROLUS dum vixit, tam coluit impense, Ut in eo, quod in aliis est virtus, videretur natura.

Priusquam aliis imperaret, imperavit sibi, effrænes in seipsorefrænando passiones,

devictis etiam motibus vel primo primis, eò æquioribus, quò iniquiora perpessus.

Extremam charissimorum pignorum jacturam planxit, moderato ast luctu;

grato animo reddens Deo,

quod gratis Deus donaverat Mundo. in omnibus reperit vanitatem, nullibisaturitatem,

Salomoni non dissimilis, nec magno impar

Macedoni.

cui unus non suffecerat Orbis. Sacratiori inde exæstuans siti, sobriè, justè, piè,

è mortali ad immortalem transivit vitam, ut inebriaretur ab ubertate Domûs DEI, æmulator Augustus Psaltis Regii

Satiari nonnificupientis, cùm apparuerit gloria ejus.

ELOGIUM IX.

CLEMENTIA: CAROLI

ab impenso benefaciendi studio commendata.

SYMBOLUM.

Aquila de præda sua alias aves pascens.

LEMMA.

Quod habet, tribuit.

Quila non se reputat Aquilam,
Nisi suis liberaliter tribuat de suo,
Prædámque indigentibus distribuat ex asse.
Aquilam se hoc quoque in puncto exhibuit

CAROLUS,

Olympo æquari est visus

De quo problema esto:
promptiori animo
Supplicum audiret petita, an petere auderent supplices.

Non

Non alio quam affectu CLEMENTIÆ, Qua Principes Diis comparantur: æquè imortales, Sicut isti:

Hoc solo cum discrimine,

Quòd hi in Cælis viverent, illi in animishominum Nunquam morituri.

Quò subditos verteret in filios, beneficiis evasit Pater,

Nunquam lætior, quam cum fecisset lætari & alios. Si ora hominum tacerent, loquerentur æra In pauperum levamen liberali manu sparsa.

Quin, tacentibus etiam his,

Lapides & saxa non tacerent, tot præsertim Templorum, Monasteriorum, Nosocomiorum, Inquæ pièdilapidavitopes, utopem hauriret ad animæ salutem.

Vivum forsan testimozium quæris? Domus hæc Thienæo facra

Quamdiu stabit, reddet.

At punctum nondum satis.

Ut punctum in hoc puncto negligeret nullum, Utile commiscuit suavi,

Moris suavitati addendo oris affabilitatem, Qua in obsequium imperantis rapuit

unà cum Exteris

Corda Suorum.

Vestras ergo consecrate Lachrymas, Cui debetis, quotquot habetis delicias.

ELQ-

ELOGIUM X. MAGNANIMITAS ADOTION

despectis præsertim invidorum conatibus in Orbe celebris.

SYMBOLUM.

Aquila circumvolantibus muscis & crabronibus non impediri se sinens, quò minùs ad Solem tendat,

LEMMA.

Non capit muscas.

lagnosmagna decent: Aquila non capit muscas, dedignata, indignis se crabronum agminibus à cœpto ad altiora itinere retardari

MAGNANIMITATIS Carolinæ effigies hæc est nil humile sed sublime sapientis. Esto volitarint passim per compita injuriosa Supremæ Majestati convitia:

malè

malè sonantia muscarum murmura, ceu ningat in æthere floccis, valuêre nonnisi ut penderentur flocci.

Regalitèr immemor iræ, insta iram collocabat

Regaliter immemor iræ, infra iram collocati inferiorum hominum dicteria,

parvi faciens,

Quidquid magni nomenclaturam non haberet. Nemo in parvo magnus,

& ideo, ne magnus non esset, parva despexit, magna respexit, comitatu, ædificiis, munificentia

ter magnus.

Verùm magna aliàs isthæc sunto; animi sui magnitudine minora reputans, festinavit ad majora, Cælo quàm Terra dignior. Ut ergo magninominis impleret non umbram,

sed mensuram,

in paucis implevit tempora multa, ex tempore ad æternitatem avolans, ubi caperet, quod cuperet folius Dei capax animus,

ELOGIUM XI. SAPIENTIÆ LAUS IN CAROLO

tam singularis, ut communi voce Alter SALOMON audierit.

SYMBOLUM.

Aquila paulatim de terra sursum ad sublimiora avolans.

LEMMA.

Per Inferiora ad Superiora.

Egina volucrum Aquila non faltu fed volatu ad altiora enititur, inferioribus emenfis aëris Regionibus, alarum remigio paulatim fublimata. Cæcus fit, necesse est,

Qui vel Solem in meridie, vel Regiam Solis avem Luce meridiana clariùs non suspexerit

CAROLO.

Alæ,

Alæ, quibus

per inferiora litterarum studia evolaverat ad superiora,

Summa erat ingenii felicitas, & sciendinon imparaviditas:

illa ad summa natus, hac ad sublimia animatus, utriusque subsidio ita brevì apparuit exornatus, ut in eo,

quod admirarentur, Scholæ haberent singulæ; Theologia gratiam, naturam Philosophia,

Ethica mores,

grandia facta Historia.

Oraculum in eo singulare,

quod non tantum aures, sed etiam oculos erudiret.
Philosophiam defendit publice, quò publica

feliciùs

defenderet Regna,

quæ tum demum solent esse beata,

quando aut philosophi regnant, aut Reges philosophantur.

Alienis imbutus linguis, uti suis,

diversis, ceu alter Mithridates, Gentibus & loqui calluit, & loquentes intellexit,

celebrandus omnium æternum linguis.

Quid multis?

si dici ex Philosopho sequitur ad esse, nostri avi Salomon meritò dicetur CAROLUS,

quia fuit. Eheu! fuit

è nostro conspectu ablatus.

Ad Divinæ Sapientiæ contemplationem abijt, dum obijt.

ELOGIUM XII.

TACITURNITAS IN SECRETIS CONTEGENDIS

INTER PRÆCELLENTIORES ANIMI DOTES

CAROLO

adnumeranda.

SYMBOLUM.

Aquila, quatenus in inaccessibili caute super suis pullis vigilat.

LEMMA.

Homini via pervia nulli.

T Pullos Partúsque suos eò cautiùs custodiat,
Non sine alto consilio in inaccessibili caute
Nidum collocat sapiens architecta,
eò tectiores existimans, quò remotiores.
Consilia magnorum Principum thesauri sunt:
deprædari desiderat,
qui thesauros hosce publicè portat in via.

Homi-

Homini ergo via eligenda est pervia nulli, quò recondantur, ut operta serventur & servent, quæ aperta perduntur & perdunt. Os & cor CAROLI talis erat via, omnibus invia, nulli pervia; secretorum custos tutissima: firma semper politicorum Gnome; sibi priùs tacendum, quod volumus tacere alios. Quod ab aliis voluit fieri, à semetipso priùs maluit observari. Ne concepta consilia paterent, aut detectis confiliis paterentur concipientes, consultum ante omnia duxit omnium auribus & oculis occulere ea pro viribus, Pythagoræ silentiù exprivato publicum faciens Mundi Monarcha.

Atqui,

postquam inaccessam hancviam & nulli perviam ambulare in vivis desiit, è via in Patriam abiit, lucem ut quoque ibi inhabitaret inaccessabilem.

ELOGIUM XIII.

CONSTANTIÆ

CORONAM

CAROLUS

inter adversa glorios è promeritus.

SYMBOLUM.

Aquila non obstantibus Nubium fulgurantium minis ad Solem contendens.

LEMMA.

Non cedam, donec perveniam.

Ugiant tonitrua, coruscent sulgura, ruant sulmina, & fractus illabatur orbis, impavidum seriet Aquilæ caput ruina. Non cedere, Sed contra andentiùs ire sixum sirmúmque manet,

donec ad præfixam sibimetam pervenire detur.

Constantiæ ideam, quam cernitis in Aquila, in CAROLO stupete.

Res digna calamo, non cedere calamitati:

Et digna calamo calamitoso hoc Tempore, & digna cedro, frangi nescia & tulit, & fecit CAROLI constantia, impugnata Sæpe, expugnata nunquam. Noscite vel ex hoc solo ungue in Aquila Leonem. Fortunam ut vinceret CAROLUS constantem in sola inconstantia, nec adversa dejici, nec secunda extolli, neutra se est passus mutari. continuis motibus immotus, Deononminùs, quàmei quocum fœdus pepigit, integram servavit fidem, in eoduntaxatinconstans, Quòd metum Martis & mortis cadentem in constantem virum in se cadere haud permiserit. Inter utriusque angores & agones, etiam postquam in lethalem cecidit morbum, animo stetit erectus, Symbolo Cæsare digno, quem mori decet stantem. A subdola ne circumveniretur morte, muniri præmaturè se fecit fortium ut mereretur cum eo uniri, qui in perpetuas Æternitates satiat fortes. Inter Heroicos virtutum actus, suis ululantibus, lachrymantibus exteris, supremum vitæ actum clausit, futuri sæculi dignissimus corona,

quam sola perseverantibus imponit

CONSTANTIA.

ELOGIUM XIV.

SOLERTIA CAROLI

In explorandis qualitatibus eorum, quos ad subditorum Regimen promoveret.

SYMBOLUM.

Aquila pullos ad lumen Solis probans, priusquam in numerum suorum adoptet.

LEMMA.

Indolem explorat.

Dum indolem ad Lumen Solis explorat,
nullum fovens,
Nisi quem Lucis splendor probasset Aquilam.
Naturam Aquilæ CAROLUS arte
Non tam imitari quam vincere est visus,
quoties alios præponere alijs cogeret
administrandæ Reipublicæ
cura.

Eorum quos fovit ad culmen honoris, Ingenium, conscientiam, fidem probavit ad trutinam æquitatis,

ut tot subditos

Per seipsum cùm sæpè nequiret, Regeret semper per simillimos sibi. Sint prolixæ aliàs Magnorum Principum Ideæ, Quas ad rectum Regimen concipiunt:

CAROLUS

Tam longum iter confecit compendio, probatos nonnisi volens præsse,

Quo populos redderet undequaque probos.

Alta maneat mente reposta hæc Regiminis epitome,

Et iis sit cordi, qui habenas Reipublicæ tenent. Lucerna profecto accendi

Ad salutem publicam illustrior non potest, quàm si in iis, qui supra Candelabrum sunt, non tam veteres Ceræ esfulgent qu'am veterum mores,

Et scalæ ad altiora constituuntur Scholæ. Perge igitur Cæsar

Dignissime ut augeas Cælum, Dignioribus qui auxeras terram.

ORDO

EPIGRAMMATUM EMBLEMATICORUM.

Istabant inter se Picturæ SYMBOLORUM cum suis ELOGIIS, ita ut Vacuum hincinde disseminatum appareret. Quocirca implendi pariter erant hiatus illi alijs, & quidem Situi retibus monumentis. E read intercalandum videban-

spondentibus monumentis. E read intercalandum videbantur Epigrammata explicandis suis Emblematis adieca. Hæc inde hic sub nomine EPIGRAMMATUM EMBLE.

MATICORUM adnectimus.

Quoniam verò Situs modò majus, modò minus spatium suppeditabat; Tabulæ Picturarum, modò unius, modò diversæ sormæ esle debuerunt. Quamobrem in tres Classes sejunximus Epigranmata juxta tres respective partes, priorem videlicet, mediam, & posteriorem, in quas Ecclesia


ipla dispescitur.

Priori parti, nempe à Choro usque ad utramque Alamlateralem, applicavimus quatuor Epigrammata luctum Augustissimæ Conjugis, quaternæ Prolis, Universæ Domus Boicæ, & Bojariæ ex totidem Emblematis declarantia. Mediæ, ad utramque scilicet Alamlateralem, impendimus quatuor Epigrammata cum paribus Emblematis, Caroli in Superos cultum, superorum in Carolum Patrocinium, hinc ad dextram propè Altare S. Cajetani; illine ad sinistram propè Altare S. Familiæ, commendantia Parti posteriori usque ad Portam Ecclesiæ innexuimus quatuor alia Epigrammata, & quatuor item Emblemata Encomiastica, partim Cæsari soli propria, partim Cæsari cum suis communia.

Figurarum ænearum seriem brevitate temporis paulò interruptam recudimus, & quæ supersunt, scalptoris arte ad vivum oculis subjicimus, subsecuturo postea also FA-CTORUM HISTORICO-ILLUSTRIUM Ordine, qui hiatus Arcuum relatèad sex Sacella minora per ambitum Ecclessæ occupabat, atque explebat.


EPI-

EXTREMO AUGUSTISSIMA IMPERATRICIS VIDUA OB AMISSUM AUGUSTISSI-MUM CONIUGEM LUCTUL APPROPRIATUM.



• •
•
• • . · • • •

PROFUSAS A QUATERNA SERENISSIMA PROLE IN OPT. MAX. PARENTIS MORTE LACHRYMAS EXPRIMENS.



7.

ATRAM SERENISSIMA, STIRPIS BOICA, UNIVERSA, MOESTITI-AM EX FUNESTA AUGUSTI SOLIS ECLIPSI DECLARANS.








EPIGRAMMA EMBLEMATICUM
IV.
INTIMUM DOLORIS SENSUM BAVARORUM PRÆSERTIM ANIMIS INHÆREN: TEM OB ADEMPTUM EXIMIUM PRINCIPEM SUUM RESPICIENS.















VII.

CAROLI PIETATEM IN ŚUPEROS COMMEMORANS EXLATERE DEXTRO ARÆ S.


FAMILIÆ DEDICATÆ.



69.



INTUENTIUM ANIMIS PIETATEM ERGA SUPEROS EX CAROLI EXEMPIO INSPIRANS EX LATERE SINISTRO ARM, S. FAMILLA, INSCRIPTA.



. . 32₁ -. • •

,

.

.

.




ambitum seu partem posteriorem a latere dextro.

Francium


I Mar. Iung wierth S. March


Nie. Stuber del.






MUNIFICENTIAM IN CAROLO AD PERPETUAM POSTERORUM MEMORIAM EXTOLLENS.







XI.
COMMUNEM AUGUSTO PATRI ET SERENISSIMO FILIO, CAROLO ET
MAXIMILIANO IOSEPHO, LAUDEM ATTEXENS.




Nic. Stuber del.

٠ . • ø • 66

EX SEPUETURA LOCO ANSAM CAPIENS CAROLUM CUM AUG.
PROAVIS CELEBRANDI.






81

HISTORICO = ILLUSTRIBUS



FACTORUM HISTORICO = TLLUSTRIUM.

NE A MAIORUM SUORUM CLARISSIMIS VESTIGIIS VEL LATUM UNGUEM DEFLECTERET CAROLUS, INERMEM NOLUIT RELIGIONEM, SED DISTRICTO ENSE COPIAS SUAS IN HUNGARIAM DUCIT ADVERSUS TURCAS, NEC GRADUM SISTIT, DONEC RECUPERATA IUNCTIS VIRIBUS ALBA GRÆCA, RELIGIONIS CATHOLICÆ, LIMITES FORTI TER DILATASSET.



FACTUM II.

HISTORICO = ILLUSTRIBUS



INTER PRACIPUA CAROLI ENCOMIA ATTEXI DEBET, QUOD MARIAM AMALIAM AUGUSTAM IOSE PHII INVICTISSIMI QUONDAM IMPERATORIS EILE AM STBI SELEGERIT IN SPONSAM QUÆ FAMOSISSI-MA ÆQUÈ EST, AC OLIM FORTISSIMA IUDITH I QUONI: AM TIMET DOMINŪ, NEC EST, QUI LOQUATUR DE ILLA

VERBUM MALUM Inb. Indith . C. 8 v. 8.

Fr. Naver in Lungwirth Sculps Monachy



FACTUM III HISTORICO = ILLUSTRIBUS



GLORIOSA CAROLO IN SACULA ERIT RESTAURATIO EQUESTRIS ORDINIS SUB TUTELA ET INVOCATIONE S.GEORGII MARTYRIS NONNISI MILITANTIS, UT INVIOLATA VIRGINI INVIOLATA PERSISTAT BAVARIA IN FIDE, IUSTITIA, ET FORTITUDINE PROVIÈGINE PUG: NARE SUOS EQUITES DOCUIT, QUI EX IURATO VIRGINIS CULTU NIL MAGIS QUAM FIDEM, IUSTITIAM, ET FORTITUDINEM COLERE DIDICIT.

FACTUMIV.

EX

HISTORICO = ILLUSTRIBUS



SUPREMA IURIUM CAPITA, QUE HIC DELINEATA EXHI=
BENTUR, AD STRINGENDUM PRIMO CALAMUM, DEIN
GLADIUM STIMULARUNT CAROLUM, ET STIMULA=
BUNT IN PERPETUUM SUCCESSORES AD GRATITUDINEM
EO IMPENSIOREM, QUO ENIXIOR IN DEFENDENDIS IURIBUS
FUERIT AUGUSTI ANTECESSORIS VIGILANTIA.



FACTUMV

HISTORICO = ILLUSTRIBUS
AD ANNUM AND CONTI



HEROICUM CAROLI ANIMUM DEPRÆDICABUNT RERUM
PRÆTERITARUM SCRIPTORES, QUOTIES DIFFUSO CALAMO OB =
SIDIONEM DESCRIBENT, QUA BAVARO = SAXONES, MURIS IUXTA
PROPRIAMCAROLI IMPERANTIS IDEAM CONSCENSIS, PRA =
GAM TOTIUS BOHEMIÆ METROPOLIM EELICITER EXPUGNARUNT.

78 - 17 15 - 15 15 - 16 1111 T. Carla P 1 d 9


LACTUN V.

EX

HISTORICO = ILLU STRIBUS



PRÆSENS EPOCHA IN DUPLICEM TRANSIT LAUDEM,
ET INCERTUM FACIT, NUM PLUS EXTOLLI MEREATUR
ELECTUS, QUÒD OMNIUM SE VOTIS EFFECERIT
DIGNUM: AN ELECTORES, QUÒD IN TAM DIGNUM
SUA OMNES CONGESSERINT VOTA.



然矩(•)就矩

ORDO EMBLEMATUM SIMPLICIUM.

A Cathedra concionatoria in situ quodam inferiori paulò supra basin talis intercapedo erat usque ad Portam Ecclesiæ, ut quatuor Picturis minoribus commodum locum præberet. Quatuor ergo illuc distribuimus Emblemata, simplicia quidem, sed moralia, partim quia Cathedra concionatoria ibi sitaerat, ceu moralium doctrinarum sedes, à qua incipiebant duo priora; partim quia penès Portam Ecclesiæ, supra quam conceptus morales spirabant, collocanda fuère posteriora.

Ad Suggestum seu Cathedram concionatoriam.

EMBLEMA I.

Supra pulvinar Calvaria hominis demortui jacebat corona Imperiali tecta.

E P I G R A P H E.

Ne oblivifcaris in finem.

E regione Cathedræ Concionatoriæ.

EMBLEMA II.

Infignia Imperatoris CAROLIVII. videlicet Coronæ, Sceptra, Enfes, Torques Equestres, Pomum Imperii &c. supra duo pulvinaria.

E P I G R A P H E. quàm citò fallunt.

Propè Portam Ecclesiæ à latere dextro.

EMBLEMAIII

Chelys disruptis Fidibus supra mensam derelicta.

EPIGRAPHE. mox concentus abest.

Propè Portam Ecclesiæ à latere sinistro.

EMBLEMA IV.

Feretrum luminibus undique circumdatum.

EPIGRAPHE. In lucem hanc lux definit Orbis.

In Presbyterio absidem ex utraque parte expleturi, duo alia affiximus Emblemata simplicia, Cæsaris Laudi dedicata.

A Latere Evangelii.

EMBLEMA I.

Hinc Instrumenta militaria, illinc civilia prostabant.

> EPIGRAPHE. in utroque Cæsar. A latere Epistolæ.

EMBLEMAII

Mercurius alatus versùs Augustam CAROLI VII. effigiem intra nubes prospicientem, Pegaso insidens, tubam inflabat.

> EPIGRAPHE. Est immortale, quod opto.

ORDO

BAVARORUM PRINCIPUM

in Imaginibus XXXII.

Juxta Genealogiam Gevvoldianam (**)

àP.D.JosephoM.Maraviglia Cler.Reg.(**)illustratam

CAROLO M.

culque ad CAROLUM VIII.

IMP.

AD BASES COLUMNARUM

Per totam Ecclesiam, Adjunctis brevibus encomijs, distributus.

Series Imaginum seu Statuarum in Presbyterio incipiebat abuno Latere Ecclesiæ decurrensusque ad Portam Principem, & ascendens ab altero Latere item in Presbyterio desinebat.

Latus dextrum.

Latus finistrum.

PRINCIPES.

CAROLUS M. Imp. & Bojariæ Rex

CAROLUS VII. Imp. Boh.R. Bav. & S.P.D. Com. Palat. Rhen. Auftr. Archid. S.R. I. El. L.L.

(*) Geneal.Seren.Bojar.Princip. (**) Vaticin. Glor. Bay.

Latus sinistrum.

ENCOMIA.

Propagator.

Orbis Triumphator, & Avitæ Virtutis Æmula-Augustæ Domûs Bojcæ tor, & Augustæ Domûs Bojcæ Amplificator.

PRINCIPES.

PIPINUS. Francorum Rex. MAXIMILIANUS EM. Utr.Bav.&S.P.Dux. C.P. R. S.R. I. Elect. L.L.

ENCOMIA.

Magni animi Heros.

Turcarum Domitor.

PRINCIPES.

3. BERNARDUS. Italiæ & Bojariæ Rex.

30. FERDINANDUS M. Utr. B. & P. S. D. C. P. R. S.R.I.Elect. L.L.

ENCOMIA.

Italiæ Liberator.

Pacis Promotor.

PRINCIPES.

PIPINUS Junior.

29. MAXIMILIANUS I. Utr. B. & P.S. D. C. P. R. S. R.I. Elect. L.L.

Latus sinistrum.

ENCOMIA.

Constantiæ Portentum. Germaniæ Pater.

PRINCIPES.

BERNARDUS
Comes Lengenfeld.

WILHELMUS Vulgo V.
Utr.Bav.D.C.P.R.

ENCOMIA.

In tenebris splendor. Religionis Zélator.

PRINCIPES.

6. ·

27.

ARNOLDUS Bojariæ Dux,

ALBERTUS vulgo V. utr, Bav, D. C. P.R.

ENCOMIA.

Inter arma fulmen. Justitiæ Assertor.

PRINCIPES.

Nor. & Bojar. D. March. Utr. Bav. D. C. P.R. Austr.

26. LUITPALDUS WILHELMUS Vulgo IV.

ENCOMIA.

Hungarorum Terror. Hereseos Exstirpator.

P 2

PRIN-

Latus sinistrum.

PRINCIPES.

8. ARNULPHUS Bojar, Dux.

25. ALBERTUS Vulgo IV. Boj. Dux C.P.R.

ENCOMIA

Utriusque sortis Victor. Ævi sui Salomon.

PRINCIPES.

ARNOLDVS Bojar, Dux.

24. ALBERTVS vulgo III, Bojariæ Dux C.P.R.

ENCOMIA.

Magnorum Molitor. Mundi Contemptor.

PRINCIPES.

10.

23.

BERCHTOLDVS Com, Schir. & Bojar, Palat. Bojar, Dux C. P. R.

ERNESTVS.

ENCOMIA.

Integritatis Amator. Tumultuum Sedator.

PRINCIPES.

II.

WERNHERVS feu vulgo BABO.

Com, Schir, & Bojar, Palat.

IOANNES Bojar, Dux C.P.R.

EN-

Latus sinistrum.

ENCOMIA.

Prudentiæ Imago. Mansuetudinis Exemplar.

PRINCIPES.

Palat.

21. OTTO I. STEPHANUS Sen. Comes Schir. & Boj. D. C.P. R. & Septemvir.

ENCOMIA.

Regnantium Speculum. Subditorum Delicium.

PRINCIPES.

OTTOII. Comes Schir. & Bojar. Imp. & Utr. Bav. D. Palat.

LUDOVICUS.

ENCOMIA.

Rei Catholicæ Fulcimen- Fortitudinis Athleta. tum.

PRINCIPES.

14.

& Bojar. Palat.

19. OTTO III. LUDOVICUS II. Comes Wittelspach. Boj.D.C.P.R.S.R.I. Elect. & Archidap.

Latus sinistrum.

ENCOMIA.

Fidei Propugnator. Animorum Arbiter.

PRINCIPES.

15.

18.

ptemvir.

OTTO IV.

Boj. D. C. P. R. & Scptemvir.

OTTO VI.
Bojar. Dux. C. P. R. & Septemvir. ptemvir.

ENCOMIA.

Probitatis Cultor.

Munerum Largitor.

16.

Aliàs Magnus.


Com. Wittelspach. & Com. Palat. Rhe. Bojar. Dux.

OTTO V. LUDOVICUS I. & Septemvir.

ENCOMIA.

Jurium Vindex.

Ecclesia Desensor.



7

O'R DO

Eorum, quæ Cryptam seu Principum Sepulturam exornabant.

Sicut liber patebat accessus ad Cryptam seu Sepulturam Principum, imò libem dabatur facultas litandi Deo super Am ibi appositè constructa; ita de lugubri loco illo debitè ornando prospectum quoque est. Porrò inter frequentes Cereorum coruscationes legebantur sequentes

INSCRIPTIONES.

Ad murum supra verticem Feretri, in quo asservabantur Ossa Augusti CAROLI VII. Romanorum quondam Imperatoris Epitaphium juxta stylum Lapidarium Antiquo-Romanum cernebatur, prout sequitur.

IMP. CÆS.

CAROLUS. VII.

SEMP. AUG.

Ex. Aug. Bav. Princip. Sang.

FERD. MAR. NEP.

MAX. EMAN. FIL.

Orbi. Nomen Huic. Monumento. Exuvias. Reliquit.

Tandem, quia in Testudine Cryptæ obtumndum erat grande quoddam forumen: rotunda Tabella ad id muneris usi su-mus, supra quam ex Seneca in Octavia Moralis Carminis Fragmentum pictis characteribus exarari curavimus.

Regitur Fatis mortale genus, Nec sibi quisquam spondere potest Firmum & stabile, pérque casus Volvitur varios semper nobis Metuenda dies.

> Supra Portam Cryptæ seu Sepulturæ Principum.

AUGUSTI BAVARIÆ PRINCIPES

Hîc, Quod mortale habent, deponunt.

Hæc porrò, quamvis pro dignitate Cæsaris pauca, pro brevitate tamen temporis videntur satis multa. Quamobrem Vela Funesti hujus Operis contrahimus, & ad inserendam duntaxat hic Orationem funebrem, quam 5^{tà} die Aprilis linguá vernaculá peroravimus, in supplementum superstitis adhuc Maximi Cæsaris laudis, animum calamúmque convertimus, nil magis in votis habentes, quàm ut Deus ter Opt. Max. Augustam Domum Bavaricam largis Benedictionibus perenniter sœcundet, ac depul-

sis tam atræ tristitiæ nubibus, Bavariæ nostræ lætiores oriri faciat Soles.

EXPLICIT.

Ecich:





